

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**PROGNOSTICA=||TIO IOANNIS LIECHTENBERGERS, QVAM  
OLIM SCRI-||psit super magna illa Saturni ac Iouis  
coniunctione, quae fuit Anno M.CCCC.||LXXXIII. praeterea  
ad eclipsim Solis anni sequētis uidelicet ...**

**Lichtenberger, Johannes**

**Köln, 1526**

Capvt decimvm

[urn:nbn:de:bsz:31-160364](https://nbn-resolving.org/urn:nbn:de:bsz:31-160364)

## CAPVT DECIMVM.



Vires quoque ex Venere in quinta collocata molles, delicatas & uoluptuosas efficiet, instar Sardanapali Epicuream uitam ducentes, difficillimumque erit ad continentiam & frugalitatem eas traduci, sed prostrato corpore, uenudato pudore ad omnem libidinem exequendam paratas, promptas, immo sollicitas reddet. Ex quo etiam laudem & gloriam, praeextarumque insignia & honorem populari iudicio consequent. Ad idem quoque impuritatis uitium, ex Marte in tertia, sacras quidem uirgines & religiosas compellet, quae corpus suum lenocinio pulchritudinis excolentes odoribus, unguentis, aromatibus luxuriosa cupiditate erunt intentae. Sicque pudicitia, castitate posthabita omnis impuritatis uicta sustinebunt.

QVOMODO CABLESTIS INFLVXVS HABET alterare & immutare corpora & spiritus uirtutum, & inducere aegritudines & mortalitates.

## CAPVT VNDECIMVM.



Mnium enim operationum naturalium, uitalium, & animalium principia sunt uirtutes a corporibus dependentes, dicitur. Auicenna. Omnis enim uirtus operationis existit principium, neque aliqua operatio puenit nisi ex uirtute. postea subiungit, Vitalis uirtus est quae spiritum esse conseruat, qui sensus est. motus uehiculum existit, et ipsum reddit aptum ad ipsarum impressiones recipiendum, cum ad cerebrum puenit, & facit spiritum potentem dandi uitam ubicumque expandit. Et huius quidem uirtutis & operationis eius sedes prorsus est cor. Corde ergo existente principio ad alterata, in ipso alterabuntur singula dependentia ab alteratis. & cum omnium uirtutum instrumentum sit spiritus in

PROGNOSTICVM IOANNIS

corde genitus, cuius potentia in singulis membris & organis iuxta  
 sui proprietatem fiunt operationes, necesse erit, ipso spiritu alterato  
 alterari & diuersificari operationes ab ipsis spiritibus prouenientes.  
 Cuius simile dicit Auicenna Canone. iij. cap. de melancholia. Nam  
 spiritus animalis continuus est spiritui uitali, & ex substantia ipsius.  
 quare complexione eius corrupta, corrumpit & complexionem ce-  
 rebri, & comunicat ei melancholia. Sic ergo spiritibus corporis mu-  
 tatis, secundum quod fuerit alteratio, oritur discrasia, & inde aegritudo mor-  
 talis uel salubris currens cursu sui astri determinatis eius acuitatem  
 & motum. Vnde in quibusdam pestilentijs critica determinatio pesti-  
 lentiae in quarta determinabat. Alterantur uero spiritus illi ex aere  
 inspirato necessario pro cordis & suorum spirituum euentationem  
 dicente Auicenna. Aer est elementum nostrorum corporum & spi-  
 rituum. & propter hoc quod elementum, est etiam euentatio nostris ad  
 ueniens spiritibus, & est causa meliorationis eorum, non tantum ut  
 elementum, sed ut faciens. Quare cum aer sit commixtus subtilissimis  
 substantijs uirtute caelesti minutis, tanquam uel seminali astrorum spiriti-  
 bus uitalibus commiscetur, & eos alterant, eisque incorporant, & dila-  
 tatur eorum uirtus, & operantur operationes suorum astrorum in pra-  
 dispositis ad hoc, sicut operantur semina suis uirtutibus. de hac uia al-  
 terationis loquitur Auicenna canone quarto de febre pestilentiali  
 in hunc modum. Et quando uirtutes agentes, caelestes & terrestres pa-  
 rientes faciunt humiditatem aeri, expelluntur fumi & uapores ad  
 ipsum, & dispergunt & putrescunt cum caliditate debili, & aer in  
 hunc modum infectus, ueniens ad cor, corrumpit complexionem  
 spiritus qui est in ipso. Et principium horum omnium ex formis caeli est,  
 quae faciunt necessarium esse illud. Constat itaque ex dictis, quod tempori-  
 bus aduenientibus, in quibus magnae uirtutis applicationes astrorum  
 fiunt, cuius signum in caelo & aere apparet, magnae sequuntur altera-  
 tiones aeris & aliorum elementorum.

Q VOMODO EFFECTVS SUPER CAELE-  
 lestium, & applicationes astrorum durant  
 multis annis deponit.

CAPVT